



Broj: 15-03-16-5-45-23/20

Datum: 30.6.2020. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi:

## O D L U K U o izboru najpovoljnijeg ponuđača

### Član 1.

Najpovoljniji ponuđač u postupku javne nabavke kancelarijskog materijala sa obrascima i papirom objavljenom na *web* portalu Agencije za javne nabavke Bosne i Hercegovine, broj Obavještenja o nabavci 1110-1-1-33-3-46/20 od 28.5.2020. godine, koji je proveden otvorenim postupkom, je **R&S d.o.o. Sarajevo**.

### Član 2.

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

### Član 3.

Ova odluka stupa na snagu danom donošenja.

## O b r a z l o ž e n j e

Komisija za provođenje postupka javne nabavke je konstatovala je da je rok za dostavljanje ponuda 25.6.2020 godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to ponuđača ELKOM d.o.o. Vitez i ponuđača R&S d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

U postupku analize Komisija je utvrdila da je ponuda ponuđača ELKOM d.o.o. Vitez nekvalifikovana i neprihvatljiva iz razloga što je kao dokaz za tačku 6.5.1. b) Tenderske dokumentacije ponuđač priložio sertifikat proizvođača papira o tehničkim vrijednostima papira gdje stoji da je predmetni papir „bjeline“ 173, dok je tražena vrijednost  $165 \pm 5$  – ISO 11 475. S obzirom da je navedena karakteristika papira veća od tražene, tehnička



vrijednost papira ne zadovoljava uslove postavljene Tenderskom dokumentacijom, te ponuda ovog ponuđača nije potpuna u skladu sa članom 68. stav 4. tačka i) Zakona o javnim nabavkama zbog čega se odbacuje.

Analizom ponude ponuđača R&S d.o.o. Sarajevo, Komisija je utvrdila da ponuda ovog ponuđača, sa ukupnom cijenom od **28.943,33 KM bez PDV-a**, odnosno **33.863,70 KM sa PDV-om**, u ekonomskom i tehničkom smislu u potpunosti zadovoljava zahtjeve Agencije, te je dala preporuku da se donese odluka o izboru ovog ponuđača kao najpovoljnijeg.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od deset (10) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



---

DIREKTOR

Dr. sc. Arif Nanić

Signed by: ANANIC  
дигитално потписано / digitalno potpisano / digitally signed